



“Daxbuz, gou gaemh ndaej lo! Gou gaemh ndaej lo! Youq neix ne!” Ngoenzhaenx, gou song fwngz riuj song duz gaeq, byaij baihnaj gyanghongh bae, roxnyinh geijlai miznaj ha! Seizneix, gou naengh youq baihnaj congh cueng, dauqngex gienh saeh mizyinx haemhhaenx hwnjdaej.

Haenx dwg byai singhgiz banhaemh ndeu, daxbuz heuh gou bae gaeb song duz gaeq ma aeuq dang, gou sikhaek buet bae baihlaeng gyanghongh gaeb gaeq. Aenvih yaek gaeb gaeq, gou couh haeujsim yenzgiu baenzlawz gaeb gaeq gonq, gaenq hag rox aen bonjsaeh ak gaeb gaeq lo.

Aeu Gij Ndeigwn Yaeuhlox

Raeuz cungj rox, duzgaeq haengj gwn haeux.

Geiqmaeuz Gaeb Gaeq

Aeu haeux daej yaeuh duzgaeq ceiq yungzheih yaeuh ndaej duzde. Gou dawz aen vanj hung cang haeux rim ndeu, vanq haeux youq ndaw cauzrin, bang gaeq yawjraen le cungj humx cauzrin, doxcanj doxciengj dot haeux. Hainduj gaeb gaeq lo! Gou yaemj din yaemj fwngz heux hop hung ndeu, heux daengz henzndang gyoengq gaeq, gyoengq duzde cungj mbouj rox saek di. Gou menhmenh nod din, mbouj gamj guh ok saekdi sing, yawjraen duzgaeq lij dot haeux ngaekngaek, gou rox seizgei daengz lo, gou gig vaiq iet fwngzswix gaemdawz aen gyauej duz gaeq ndeu, mwhneix duzde cak dwk buekmingh siengj deuz ok fwngz rengzrdw gou, hoeng baenzlawz baenzneix yungzheih ndaej deuz! Gou aeu aendungx yungh rengz dingj baihdang duzgaeq, aeu fwngzgvaz gaemdawz gij fwed de. Duzgaeq lij youq ndaw fwngz gou cukcak, siengj daj ndaw fwngzgvaz gou cak okbae, yawj duzgaeq couh yaek biq lo, gou sikhaek soeng aen gyauej de, song fwngz gaem fwed de, duzgaeq cungjsuenq deuz mbouj ndaej lo, lumj aen giuz loh heiq nei, gou daekeiq raixcaix: “Haha, mwngz lij dwg ngaiz gou gaemh aeu lo!”

Heuhdoeng Hoenxsae

Cungj geiqmaeuz neix ceiq genjdanh, hoeng guh hwnjdaej cix mbouj yungzheih. Ndaw riengh gaeq miz diuz loh ndeu, gyauej loh dwg mienhciengz, doeng mbouj okbae. Hoeng cingqngamj miz duzgaeq ndeu youq gyang loh, gou siujsim riri byaij daengz henz de, siengj gaeb de, hoeng de sawqmwh mbouj doengh, lumj yawj rox gijmaz nei, gipmuengz bek fwed siengj buetdeuz, gou gipmuengz gyaep hwnjbae, mbouj ndaej hawj “gaiq noh henz bak youh mbin deuz” lo. Gou caeuj duzgaeq da cim da yawj dwk, gou guj duzde mbouj miz giz buet deuz, itdingh daj dinggyaeuj gou mbin gvaq. Yienghneix, gou canggyaj daj baihlaj bae gaeb duzde, caen dwg dahraix, de yunghrengz bek fwed, siengj daj gwnz gyauej gou mbin gvaqbae, gou baez yat, de couh gag diuq haeuj ndaw “hongx” gou bae. Gou angq raixcaix, mwh gou riuj song duz gaeq neix hawj daxbuz yawj, daxbuz haenh gou naeuz: “Va! Mwngz caen dwg bouxnyez gaeb gaeq ak ndeu!” Gou dingq le ndaw sim diemzsubsub.

Samcib roek geiq, song geiq gaeb gaeq. Neix couh dwg gij bonjsaeh caixhangz gou.

(Ciz Swjgyauz raiz / Veiz Yennaz hoiz)

Geiq Ciemz Heuj

Gou miz diuz heuj ndeu honz lo.

Gaxgonq, cijaeu gou gwn makbingzgoj roxnaeuz henx haeuxyangz, diuz heuj honz couh ndaej doek. Baezneix, song aen singhgiz gvaqbae lo, mak-bingzgoj gou hix gwn lo, haeuxyangz gou hix henx lo, lij haeb oij dem, diuz heuj neix vanzlij mbouj doek, maenh lumj diuz ding ding gwnz faex nei, mbouj raen lai honz saek di.

Daxmeh yawj le, yaengyaeng naeuz gou nyi: “Caiq mbouj ciemz diuz heuj neix bae, diuz heuj moq couh deng caenx ngeng lo, aeu ganjvaiq bae yihyen ciemz bw!” Dingqnaeuz yaek bae yihyen ciemz heuj, gou sikhaek siengj daengz gij faggimq fagnip ciemz heuj caepcat youh haeu lwed haenx. Gou fwt couh naemj daengz gvaq geij ngoenz yaek geizgyang gaujsi, couh han daxmeh naeuz: “Gvaq geij ngoenz couh yaek gaujsi lo, mboujcix caj gaujsi sat cij bae ciemz heuj ba!” Daxmeh ngaekngaek gyauej, han lo.

Hoeng, gij wnggai ngaiz cungj ngaiz. Gaujsi ngamq sat, daxmeh couh naeuz: “Baezneix wnggai bae ciemz heuj luba!” Baezneix, gou hix ra mbouj ndaej gijmaz leixyouz wnq lo, cij ndaej riengz daxmeh bae yihyen.

Bae daengz yihyen, gou raen gij vunz daej yawj bingh neix lailai daihdaih. Gou maqmuengh ngoenzneix baizdoh baiz mbouj daengz gou, hawj gou ndaej ndoj gvaq baez in neix, gou doiq daxmeh naeuz: “Ngoenzneix vunz baizdoh lai lai, gou yawj lij caengz lwnz daengz gou canghyw couh roengzban lo. Raeuz gvaq geij ngoenz dem menh daej ba!” “Daej cungj daej lo, raeuz caj yaep dem baenzlawz mbouj ndaej.” Daxmeh rox gou siengj gijmaz, riuriu le, daiq gou bae baizdoh gvaqhauh.

Gou naengh youq gwnz eij, da cim aencung gwnz ciengz, ndawsim gouz seizgan gvaqbae vaiq di. Hoeng, mbouj gvaq geijlai nanz, canghyw couh hemq naeuz: “Gyoengq lwnyey yaek ciemz heuj gvaq gizneix daej caj gonq!” Daxmeh baez dingq, riuj gou lumj riuj gaeqlwg nei, riuj daengz dangqna j canghyw bae. Aensim gou diuq daengz conghhoz lo. Gou lienzlien mbaet caw, roengzrengz diemheiq. Hoeng mwh canghyw dawz faggimz byaij gvaqdaej, gou lij nyaenx mbouj ndaej “a” hemq sing ndeu. Gou yaepcan baenz bouxbingh ndaw yihyen deng

vunz comz yawj ndeu, lumj yawj bajheiq nei. Gou caemh cuengqsing daej naeuz: “Gouqmingh ha, gou mbouj ciemz heuj!” Gouq mbouj daengz najmong lo.

Mwh neix, daxmeh dep henz rwz gou naeuz vubveb: “Ciemz heuj le mwngz couh gwn ndaej dangznae lo.” Canghyw riuhehe, ngaek gyauej naeuz: “Gwn dangznae ndaej naeg lwed, siu foeg, ndaej gwn!” Naeg lwed? Siu foeg? Meh ha, ciemz heuj caen dwglau ha! Hoeng baez siengj daengz ndaej gwn dangznae habbak, gou couh mbouj lau lo, gaem damj ninz youq gwnz eijguhyw, laep da youq. Gou roxnyinh canghyw youq gwnz nohheuj gou cat di yw, riengz daej couh yungh rengz ciemz heuj okdaej lo……

“Daengz giz canghyw yawj ciemz heuj, dwg mbouj dwg caen baenzneix dwglau ne?” Youq gwnz loh ma ranz, daxmeh raen gou gwn dangznae miz feihdauh dangqmaz cix cam gou. Gou lumh mbiengj gemj loq foeg haenx, siengj daengz haxbaenh daej heuh gouqmingh, han naeuz: “Mbouj dwglau, haxbaenh caen miz di saetnaj!”



“Ha ha……” Youq gwnz loh miz sing riu sing hemq, angqangq yangzyangz.

(Ciz Cenzyoz raiz / Veiz Caijcinh hoiz)



Seizcou Daeuj Lo

Rumzcou ci daej fifi, mbwn mbouj rox mbouj nyinh ciemhciemh bienq liengz lo.

Sing duzbid gwnz faexyangz henz roen lij haeuj rwz caca, hoeng gaenq mbouj lumj seizhah nei goksasa lo. Gou iuj din dwk, ngiengxgyaeuj bae ra, mbawfaex maedydywd dangj da gou, hix cw ndang duzbid bae.

Rumz seiz mbouj seiz gienj daej geij mbawfaex henjroz, lumj duzmbaj saekgim youq gyang mbwn mbinfoux. Mbawfaex mbinyebyeb, doeklaeng doek youq laj goek faex, gou ndawsim nyaenx mbouj ndaej

mizdi doeknaiq.

Go haeuxdaeq, mbouj rox seizlawz maj sang gvaq gou lo, gyoengqde dingj diuzhwet saeqsed, yaengx mbawraez heuswd, lumj aen bingdoh ndeu nei, vifung gvaekgvaek. Riengzva haeuxdaeq deng ndit ciuq ndaej ronghyabyab, lumj gyauej byoemhenj gyaunde i ndeu, ndei yawj raixcaix.

Ndaw cazrum rwenz ok sing daekgaeuj ndeidingq, seizcou mbouj caiq caemcingx, demlai le faenh yinhfeih ndeu.

(Gyangh Mungdiz raiz / Nungz Cinfung hoiz)